


20

La nova bancnota da 20 francs



SCHWEIZERISCHE NATIONALBANK
BANQUE NATIONALE SUISSE
BANCA NAZIONALE SVIZZERA
BANCA NAZIONALA SVIZRA
SWISS NATIONAL BANK




1a Luna	9 751	Uranus	17 740 000 000 000 000 000	Saturn	17 740 000 000 000 000 000	Sat
34d Mercurius	15 254	Neptun	900 000 000 000 000 000	Jupiter	900 000 000 000 000 000	Jup
48d Venus	133 000 000	Primum Caudury	5 300 000 0-11 000 5	Mars	5 300 000 0-11 000 5	Mars
49d Sol	271	per se et Situs A	81 000 000 000 000 000	Mercury	81 000 000 000 000 000	Mercury
60t Mars	358 000 000	(5) Cypria A	9 000 000 000 000 000 000	Ge	9 000 000 000 000 000 000	Ge
2 313s Jupiter	1 580 050 000	(5) Pegasus	62 000 000 000 000 000 000	U	62 000 000 000 000 000 000	U
5 313s Saturnus	13 600 000 000	(5) Polaris A	120 000 000 000 000 000 000	C	120 000 000 000 000 000 000	C

Banknoten sind
strafrechtlich
geschützt.

Las bancnotas èn
protegidas dal
dretg penal.

THE NATIONAL BANK
DE LA SVIZRA

056837



Novas bancnotas per la Svizra

La nova bancnota da 20 francs è cumparida. Suenter quella da 50 francs è ella la seconda da sis bancnotas da la nova seria. Las ulteriuras bancnotas suondan en intervals d'in mez u dad in onn.

Grazia a las novas bancnotas vegn garantì er vinavant l'aut standard da segirezza da las bancnotas e la publicitat vegn protegida da falsificaziuns. La Svizra survegn bancnotas novas ch'en pli modernas ed anc pli segiras.

En questa broschura pudais Vus emprender ad enconuscher la nova bancnota da 20: sia concepziun e sias caracteristicas da segirezza ch'en simplas da controllar.

Mintga bancnota da la nova seria preschenta ina vart tipica da la Svizra che vegn illustrada concepziunalmain cun differents elements. Il tema da la nova seria da bancnotas è perquai er

«La Svizra multifara»



La nova seria da
bancnotas...

Scuvri differentas fassettas da noss pajais a maun da las novas bancnotas: la vart organisanta, creativa, aventurusa, umanitara, scientifica e communicativa da la Svizra.

Questas sis varts vegnan represchentadas tras ina retscha da tratgs creativs. In motiv permanent e determinant è il maun che illustrescha mintgamai il tema da la bancnota tras l'acziun represchentada.

...tematisescha sis varts
da la Svizra

Sur la seria sa move il mund
per 360°...

...ed er la Svizra sa move
sco part da quest mund

Il globus glischant è in ulteriur element
determinant da mintga banchnota. El mussa che
la Svizra sa vesa sco part d'in mund globalisà.
Davent da la banchnota da 1000 fin a la banchnota
da 10 sa move il globus ina giada enturn sia
atgna axa e passenta in di.




La Svizra multifara

Mintga bancnota mussa ina vart da la Svizra. Ensemens illustreschan las sis bancnotes la multifariadat da noss pajais. Ellas mussan la Svizra sco lieu cun forza organiatorica, sco lieu da cultura, sco lieu d'aventuras, sco pajais cun ina tradiziun umanitara, sco center da perscrutaziun e sco lieu dal dialog.



Scuvri ils detagls da
las bancnotas

Sin mintga bancnota accentueschan dissegns
filigrans la vart respectiva da la Svizra.
Uschia mussa il paragsulader la vart aventurusa
da la Svizra. E la tgiralla represchenta la
creativitat e las ritgas fassettas da la natira.



La nova seria da bancnotas en in'egliada

Mintga bancnota mussa ina vart tipica da la Svizra che vegn mintgamai represchentada concepziunalmain tras in element principal: il temp, la glisch, il vent, l'aua, la materia e la lingua. Mintga vart vegn illustrada tras in'acziun, tras in lieu en Svizra e tras ulteriurs elements grafics.



Bancnota da 10



Bancnota da 20



Bancnota da 50

TEMP

la vart organisanta



GLISCH

la vart creativa



VENT

la vart aventurusa



Bancnota da 100




Bancnota da 200



Bancnota da 1000

AUA

la vart umanitara




MATERIA



la vart scientifica



LINGUA

la vart communicativa





Il tema da la bancnota da 20

La bancnota da 20 mussa la Svizra da sia vart creativa – l'element principal è la glisch. Il maun tegna in prisma che divida la glisch en differentas colurs. La glisch sa mussa en las ensainas astrologicas sur il globus. Er sin la strivla da segirezza gioga l'element principal da la bancnota ina rolla impurtanta: sin la charta da la Svizra e sin sias regiuns circumdantas vegnan mussadas las emissiuns da glisch durant la notg, e las distanzas da differents objects astronomicos tar la Terra è inditgada en secundas da glisch.

Grazia a la glisch vesan ins las colurs da la tgiralla e las ritgas fassettas da la natira – ma er la creativitat che sa preschenta a chaschun d'in festival da films.

Las lingias sin la vart davos da la bancnota da 20 mussan ina iris che regla la glisch ch'entra en l'egl da l'uman.

La bancnota ha anc blers auters tratgs che tractan il tema da la bancnota, la creativitat, e l'element principal, la glisch.

Scuvari sez la bancnota.

Controllai l'autenticidad


Las bancnotas novas adempleschan las pretensiuns tradiziunalmain autas da la Svizra envers la segirezza da ses daners.

Ellas cuntegnan numerusas caracteristicas da segirezza cumprovadas e novas.

Sin tut las sis bancnotas novas èn quai las medemas caracteristicas. Quellas èn inseridas sin la vart davant e davos cun agid da differentas tecnologias en las trais stresas dal substrat innovativ da las bancnotas (Durasafe®).

La seria da bancnotas sa distingua tras la cumbinaziun tranter caracteristicas da segirezza complexas ed ina concepcion pretensiusa. Uschia èsi difficult da falsifitgar las bancnotas.

- | | | |
|--------------------------------|---|---|
| [1] Test dal globus | [6] Microporf® | [11] Numer da seria |
| [2] Test da la strivila | [7] Segns tactils per persunas impedidas da vesida | [12] Microtext |
| [3] Test da la crusch | [8] Filigrana | [13] Globus ultraviolet |
| [4] Test dal triangul | [9] Effect da volver la bancnota | [14] Fibras da segirezza fluorescentas* |
| [5] Test dal maun | [10] Register davant e davos | [15] Elements ch'absorbeschan l'infracotschen* |




Vart davant



Vart davos

*betg inditgà



1 TEST DAL GLOBUS

Amez la vart davant da la banchnota sa chatte il maletg d'in globus glischant.

- Muvai vi e nà la banchnota: in artg da colur violetta sa mova sur il globus.

- Tegnai la banchnota davant Vus e la vulvai vers enavos: la colur dal globus sa mida.


2 TEST DA LA STRIVLA

Sin la vart davant da la banchnota hai davent da mez engiu ina strivla da segirezza.

- Muvai la banchnota da sanestra a dretga: cifras cotschnas e verdas cumparan sin quatter lingias, e las cifras sa movan ina vers l'autra.

- Tegnai la banchnota davant Vus: en argient vesan ins la charta svizra, emissiuns da glisch durant la notg en furma da rudels, ina glista cun las distanzas da differents objects astronomicos tar la Terra sco er la cifra 20.
- Vulvai ussa plaunsieu la banchnota vers enavos: en colurs spectralas cumparan las conturas da la Svizra e survant las emissiuns da glisch durant la notg. Plinavant resplendan pitschnas cruschs svizras en la cifra 20.

Questas tschintg caracteristicas da segirezza mussan svelt, schina banchnota è nunfalsifitgada.



3 TEST DA LA CRUSCH

Sisum a sanestra da la vart davant da la banchnota, sin posiziun A, hai ina crusch svizra transparenta.

- Tegnai la crusch svizra en la glisch: ella sa mida en ina bandiera svizra.



4 TEST DAL TRIANGUL

Sin la vart davos da la banchnota hai in triangul sut la cifra 20. En quel vesan ins in fil da segirezza tragliischant.

- Tegnai la banchnota en la glisch: il fil da segirezza è visibel tras e tras. Sin il fil vesan ins plinavant en distanzas regularas la bandiera svizra sco er la cifra 20.

5 TEST DAL MAUN

- Palpai il maun, la cifra 20 u il num da la Banca naziunala: il squitsch d'arom è da sentir.
- Sfruschai ils traiss elements numnads sin in palpieri cler: els relaschan fastizs da colur.

Tras numerusas ulteriuras caratteristicas da segirezza daventa la banchnota quai ch'ella è: segira e nunfalsifitgada.



6 MICROPERF®

Sin la vart davant da la banchnota, sin posiziun D, hai ina crusch svizra perfurada.

- Tegnai la banchnota en la glisch: la crusch svizra cun foras fitg pitschnas è visibla spezialmain bain. La crusch consista d'in raster regular da pitschnas foras.



7 SEGNS TACTILS PER PERSUNAS IMPEDIDAS DA VESIDA

Per lung da las varts longitudinalas sin la vart davant da la banchnota sa chattan travs palpablas per persunas cun impediments da la vesida. Lur dumber variescha tut tenor la valor da la banchnota. La banchnota da 20 ha da tuttas duas varts mintgamai duas travs.

- Palpai ils urs da la banchnota: ins senta cleramain las travs.



8 FILIGRANA

Sin la banchnota, sin posiziun E, èn inseridas duas filigranas: la bandiera svizra ed il globus.


- Tegnai la banchnota en la glisch: a sanestra vesan ins las conturas da la bandiera svizra ed a dretga il globus.



9 EFFECT DA VOLVER LA BANCNOTA

Sin la vart davant da la banchnota, sin posiziun C, è la crusch svizra stampada uschia, ch'ella è visibla mo ord in tschert angul.

- Tegnai la banchnota davant Vus e la vulvai vers enavos: la crusch svizra sa distatga da ses fund.



10 REGISTER DAVANT E DAVOS

Da tuttas duas varts da la banchnota è stampada sin la part sut ina crusch svizra incumpleta.

- Tegnai la banchnota en la glisch: i cumpara la contura d'ina crusch svizra cumpleta.



11 NUMER DA SERIA

Sin la vart davos da la banchnota è stampà en dus lieus in numer identic che consista d'in bustab e da nov cifras.


- Contemplai la vart davos da la banchnota: en dus lieus è visibel il numer da seria en differentas scrittiras.



12 MICROTEXT

Sin la vart davant da la bancnota, sin posiziun B, hai ina bandiera svizra cun in text en tuttas quatter linguis naziunalas.


- Contemplai la bandiera svizra cun la marella: en ina scrittura pitschnischma è visibel il text – per part cun bustabs stgirs sin in fund cler e per part cun bustabs clers sin in fund stgir.



13 GLOBUS ULTRAVIOLET

Sisum a dretga da la vart davant da la bancnota hai in globus ch'ins vesa mo en la glisch ultravioletta.

- Contemplai la bancnota en la glisch ultravioletta: il globus glischa cler.



14 FIBRAS DA SEGIREZZA FLUORESCENTAS

Sin tuttas duas varts da la bancnota hai singulas fibras en il palpìri ch'en visiblas mo en la glisch ultravioletta.



- Contemplai la bancnota en la glisch ultravioletta: sin l'entira bancnota tragliischan singulas fibras en differentas colurs.



15 ELEMENTS CH'ABSORBESCHAN L'INFRACOTSCHEN

Sin tuttas duas varts da la bancnota hai elements ch'absorbescan l'infracotschen.

- Contemplai la bancnota cun ina camera infracotschma: l'apparientscha sa mida – singuls elements èn visibels en grisch, auters svaneschan.



Zwanzig Frank
Ventg Fran



 Ina infurmaziun da la Banca naziunala svizra
© Banca naziunala svizra 2017
Dapli infurmaziuns sin: www.snb.ch/20

